

# Vedtekter for Fiskfråfjorden samvirkeforetak (Fff SA)

## § 1. Selskapsform

Fiskfråfjorden SA er eit samvirkeforetak med begrensa ansvar. Medlemene heftar berre med andelsinnskotet sitt for foretaket sine plikter. Foretaket har kontoret sitt i Jondal kommune, Noreg. Rekneskapsåret følger kalenderåret.

## § 2. Formål

Foretakets formål er å fremja fiskarane sine næringsinteresser og sjømatkundenes sine forbrukarinteresser gjennom å

- 1) driva næringsverksemd innanfor kjøp, foredling, sal og servering av lokal sjømat basert på grunnprinsippa ”fersk-kvalitet-sesong-økologi-samvirke”.
- 2) informera om og spreia forståinga av grunnprinsippa i pkt 1 overfor medlemene og brukarane av foretaket.
- 3) bidra til å støtta etablering av andre foretak basert på dei same grunnprinsippa.
- 4) driva anna verksemd relatert til hovedformålet.
- 5) bidra til å spreia samvirkerørsla sine verdier ved vala av vareleverandørar, bank, og driftsrutiner.

## § 3. Medlemsskap

Foretaket er eigd og drive av medlemene i høve til samvirkelova, vedtektene og de retningslinene som årsmøtet fastset. Enkelpersonar, lag og verksemdar som identifiserer seg med foretaket sitt formål, vedtekter og retningslinjer, og forpliktar seg i høve til desse, kan verta medlemar. Nye medlemar og kjøp av fleire andelar til eksisterande medlemar skal godkjennast av styret. Alle medlemar har 1 stemme på årsmøtet, uansett andelskapital eller bruk av foretaket. Eit medlemskap kan seiast opp av medlemmet med 3 månaders varsel. Når eit medlemskap avsluttast vert andelsinnskotet utbetalt utan forrenting. Årsmøtet kan vedta at medlemar som går ut kan få utbetalt en viss del av formuen viss det er økonomisk grunnlag for det. Denne verdien reknast ut etter medlemets bruk av foretaket sine tenester dei 3 siste åra.

## § 4. Andelsinnskot

Kvart medlem teiknar minst ein andel på kr 1000 kvar. Beløpet betalast inn på foretaket sin bankkonto. Andelene kan ikkje omsettast, berre gå tilbake til foretaket. Dei kan ikkje pantsettast eller takast utlegg i. Verdien på andelane bør ikkje skrivast opp eller ned. Renta på andelsinnskotet er avgrensa. Eventuell forrenting av andelskapital handsamast under pkt 5 på årsmøtet. Det først medlemsregister med namn, foretaksnummer/personnummer og adresse, samt storleiken på andelsinnskotet. Styret gir ut andelsbevis. Det skal ikkje betalast medlemskontingent.

## § 5. Bruk av årsoverskotet

Vedtak om bruk av årsoverskotet vert gjort av årsmøtet etter forslag frå styret, innan følgende rammer, jf samvirkelova §26-31:

- a) Godskrivning av eigenkapitalen til foretaket.
- b) Forrenting av andelskapitalen til medlemene. Lova avgrensar dette til 3% over tilsvarande for statsobligasjonar med 5 års løpetid.

c) Utbyte til medlemne etter bruk av foretaket forrige kalenderår: Etterbetaling til fiskarane, kjøpsutbyte til forbrukarane.

## **§ 6. Medlemne sine plikter og rettar**

Medlemne har rett til lik og rettferdig bruk av foretaket sine tenester. Medlemar kan få fordelar framom andre brukarar av foretaket etter nærere retningsliner fastsett av årsmøtet. Medlemne har rett og plikt til å ta i mot tillitsverv. Medlemne pliktar å følge vedtekter og retningsliner for drifta av foretaket.

## **§ 7. Foretaket sine organ og myndigheitsområde**

### *7.1. Styre*

Foretaket leiest av eit styre som veljast av og blant medlemne på årsmøtet. Styret består av leiar, nestleiar, eit styremedlem og tre personlege varamedlemar. Valperioden er 2 år for alle styremedlemar og varamedlemar, men leiarvervet veljast for eitt år av gongen. Det brukast om naudsynt loddtrekking for å sikra at minst eitt styremedlem med sitt varamedlem er på val kvart år. Styret førebur og organiserer årsmøte, samt andre medlemsmøte etter behov. Styret fører protokoll frå alle møta sine. Styreleiar er ansvarleg for den daglege drifta av foretaket, og at ho er i samsvar med vedtektene og retningslinene. Foretaket er forplika av styreleiar, eller nestleiar når leiar er fråværande, begge desse har signaturrett kvar for seg.

### *7.2. Tilsette*

Styret tilset det personale som er naudsynt for drifta av foretaket. Foretaket har arbeidsgivaransvar for desse. Foretaket skal minimum ha ein dagleg leiar. Vedkomande tek del på styremøta som sekretær utan stemmerett, og kan ikkje ta styreverv. Foretaket praktiserer likeløn for alle tilsette, basert på den høgaste tarifføna blant faga som er representert i foretaket. Tilsette vert oppfordra til å organisera seg.

### *7.3. Årsmøte*

Årsmøtet er foretaket sitt øverste organ, og haldast årleg i mars månad. Alle medlemar som har meldt seg inn seinast i september året før årsmøtet haldast og som er fylt 18 år seinest dagen når møtet opnar har stemmerett på årsmøtet. Eit medlem kan stemma på vegne av seg sjølv og eitt anna medlem viss skriftleg fullmakt vert framlagt. Forslag til årsmøtet må vera styret i hende 1 måned før første dag av møtet, sakspapira skal gjerast tilgjengeleg for medlemne minst to veker før første dag av møtet. Avgjerder på årsmøtet treffest med alminneleg fleirtal med mindre anna følger av vedtektene. Årsmøtet skal minimum handsama:

1. Godkjenning av innkalling og dagsorden.
2. Val av møteleiar, referent og 2 medlemar til å underskriva protokollen.
3. Styret si årsmelding.
4. Rekneskap og budsjett.
5. Disponering av eventuelt årsoverskot.
6. Fastsetting av arbeidsplan for det komande året.
7. Fastsetting av godtgjersle til styremedlemar.
8. Val av leiar, nestleiar og eitt styremedlem.
9. Val av tre personlege varamedlemar til styret.
10. Val av valkomite på 2 medlemar og 1 varamedlem.
11. Val av rekneskapsfører og revisor.

## 12. Innkomne saker.

### *7.4. Ekstraordinært årsmøte*

Ekstraordinært årsmøte skal haldast når styret, revisor eller minst 10% av medlemne krev det skriftleg, for å ta opp eit klart oppgitt og avgrensa emne. Ut over dette skal det ekstraordinære årsmøtet innkallast og gjennomførast på same måte som for vanleg årsmøte.

### **§ 8. Økonomiske plikter**

Vedtak om endring i foretakets sine økonomiske plikter som å ta opp lån / yta kreditt eller foreta investeringar av større omfang, krev 2/3 fleirtal på årsmøtet. Medlemne heftar uansett ikkje for foretaket sine plikter utover sitt eige andelsinnskot.

### **§ 9. Vedtektsendringar**

Forslag til vedtektsendringar kan berre gjerast av årsmøtet etter kjentgjering av endringsforslaget i sakspapira. Vedtektsendringar krev 2/3 fleirtal. Ei vedtektsendring som inneber at medlemne får ein større andel av dei gjenverande midlane ved evt oppløysing, krev i følge samvirkelova §135 4/5 fleirtal av avgitte stemmer.

### **§ 10. Utestenging**

Medlemar som opptrer grovt uaktsamt eller på anna vis reknast med å kunna skada foretaket, kan etter vedtak av styret ekskluderast frå foretaket. Den som er utestengt kan krevja at vedtaket vert lagt fram for årsmøtet.

### **§ 11. Oppløysing av foretaket**

Oppløysing av foretaket krev støtte fra 2/3 av alle medlemar eller støtte fra 2/3 av de frammøtte både på ordinært årsmøte og 2/3 av de frammøtte på eit påfølgande ekstraordinært årsmøte. Ved oppløysing av foretaket skal foretaket sine aktiva prioriterast fordelt slik: 1) All gjeld betalast. 2) Medlemne får utbetalt andelsinnskota sine til pålydende. 3) Restmidlar fordelast på medlemne etter den enkelte sin bruk av foretaket dei tre siste åra.

### **§ 12. Valdgift**

Twist mellom medlemne eller mellom eitt/fleire medlemar og foretaket skal først søkast løyst ved forhandlingar. Om ikkje dette fører fram, kan kvar av partane forlanga tvisten endeleg avgjort ved valdgift etter bestemmingane i Lov om valdgift. Valdgiftsretten treffer òg avgjerd om sakskostnader.